

անձանց միջև դատական ծախսերի բաշխման հարցին, գտնոււմ է հետևյալը.

ՀՀ քաղաքացիական դատավարության օրենսգրքի 101-րդ հոդվածի համաձայն՝ դատական ծախսերը կազմված են պետական տուրքից և գործի քննության հետ կապված այլ ծախսերից:

ՀՀ քաղաքացիական դատավարության օրենսգրքի 105-րդ հոդվածի 1-ին մասի 4-րդ կետի համաձայն՝ Գործի քննության հետ կապված այլ ծախսերն են՝ գործի քննության հետ կապված փաստաբանի խելամիտ վարձատրության գումարները:

ՀՀ քաղաքացիական դատավարության օրենսգրքի 109-րդ հոդվածի 1-ին կետի համաձայն՝ դատական ծախսերը գործին մասնակցող անձանց միջև բաշխվում են բավարարված հայցապահանջների չափին համամասնորեն:

Վերոգրյալի հիման վրա և նկատի ունենալով, որ հայցը ենթակա է բավարարման, իսկ Հայցվորի կողմից նախապես վճարվել է անհրաժեշտ չափով պետական տուրքի գումարը, Դատարանը գտնոււմ է, որ Պատասխանողից հոգուտ Հայցվորի ենթակա է բռնագանձման 30.000 ՀՀ դրամ՝ որպես բավարարված հայցապահանջին համարժեք նախապես վճարված պետական տուրքի գումար:

Ելնելով վերոգրյալից և ղեկավարվելով ՀՀ քաղաքացիական օրենսգրքի 198-րդ հոդվածով, Դատարանը.

Վ Ճ Ո Ւ Ց

«Ագաստ» ՍՊԸ-ի հայցն ընդդէմ «Տիգրան Մեծ» ԱԿ ՓԲԸ-ի՝ 16.01.2024թ. կնքված թիվ «Թ17ՊՈԼ-ԳՀԱՊՁԲ-24/02-ԴԵՂ-2» ծածկագրով պայմանագրի միակողմանի (որոշ չափաբաժինների մասով) լուծումն անվավեր ճանաչելու պահանջի մասին, բավարարել:

Անվավեր ճանաչել «Տիգրան Մեծ» ԱԿ ՓԲԸ-ի տնօրենի կողմից 16.01.2024թ. կնքված թիվ «Թ17ՊՈԼ-ԳՀԱՊՁԲ-24/02-ԴԵՂ-2» ծածկագրով պայմանագրի միակողմանի (որոշ չափաբաժինների մասով) լուծումը:

«Տիգրան Մեծ» ԱԿ ՓԲԸ-ից հոգուտ «Ագաստ» ՍՊԸ-ի բռնագանձել 30.000 ՀՀ դրամ՝ որպես բավարարված հայցապահանջին համարժեք նախապես վճարված պետական տուրքի գումար:

Դատական ծախսերի հարցը համարել լուծված:

Վճիռը կամովին չկատարելու դեպքում այն կկատարվի հարկադիր կատարումն ապահովող ծառայության միջոցով՝ պարտապանի հաշվին:

Վճիռն օրինական ուժի մեջ է մտնում հրապարակման պահից և կարող է

բողոքարկվել ՀՀ վերաքննիչ քաղաքացիական դատարան՝ վճռի
հրապարակման պահից մեկամսյա ժամկետում:

ԴԱՏԱՎՈՐ՝

Տ.ԳՐԻԳՈՐՅԱՆ



Սույն փաստաթղթի իսկությունը հնարավոր է ստուգել <https://verify.e-gov.am> կայք
ում մուտքագրելով IE7E-2297-4EC0-B232 հսկիչ համարը կամ սքանավորելով QR կոդը:

Տվյալ ֆայլերին կարող եք ծանոթանալ նաև մուտք գործելով "[Էլեկտրոնային դատավարություն](https://cabinet.armlex.am)" համակարգ՝
cabinet.armlex.am